



UNIVERSITÄTS-  
BIBLIOTHEK  
PADERBORN

**Praxis Meditationum S.P. Ignatii Loyolae**

**Diertins, Joseph**

**Solisbaci, 1708**

Med. 8. De Apparitione quartâ. Myst. punct. 1.

---

[urn:nbn:de:hbz:466:1-60232](#)

## MEDITATIO VIII.

*De Apparitione quartâ. Luc. 24.  
Myst. punct. I.*

**C**ONG. Ut dictum.

PRÆL. I. Quomodo Christus apparuerit Petro, postquam hic cucurisset ad monumentum.

PRÆL. II. Videre locum in viâ ad monumen-  
tum, ubi Petro apparuit,

PRÆL. III. Petere gratiam, promptè sequendi  
Christum etiam dum per alios nos vocat.

**P**UNCTUM I. PERSONÆ. MEM. Aspiciamus Mulie-  
res illas, jam reduces à sepulchro, acceden-  
tes ad Petrum, aliosque Discipulos.

INTEL. Consideremus in Mulieribus interius  
animi solatum, quod habebant de rebus visis &  
auditis: solicitudinem, ut prout mandatum erat,  
gaudium suum aliis communicarent. Hæc solici-  
tudo ex oculis, vultu, gestu, totoque corporis  
habitu, qui gaudium cœlestè spirabat, poterat  
cognosci. REFL. Comparemus solatia nostra inte-  
riora, & aviditatem aliis narrandi, cum aviditate  
& solatiis istarum Mulierum: inveniemus solatia  
nostra sæpe à rebus vanis oriri.

VOL. Fateamur, cum dolore & proposito emen-  
dationis, quod interdum pleni simus, non solatiis

Cœlestibus, sed terrenis, & cum Davide Psal. 118. precemur Deum: *Inclina cor meum in testimonia tua, & non in avaritiam.* Nam reverâ in Christo, qui est Sapientia æterna, & in amicitiâ illius delectatio bona. Sapientiæ Cap. 8.

**P**UNCTUM II. VERBA. MEM. Audiamus Mulieres illas Discipulis narrantes, de sepulchro, de apparitione sibi facta, de iis, quæ Angeli dixerant, & Christus.

INTEL. Non lubebat illis totâ die de aliis rebus loqui; nec Petrus aliqui Discipuli, aliud volebant audire, præter illa, quæ pertinebant ad Mysterium Resurrectionis. REFL. Sic fit quoque in nobis, si in meditatione Mysteria ejusmodi benè fuerimus contemplati: Sin minus, ad vana colloquia facile delabimur.

VOL. Accusemus nos de multis verbis odiosis & vanis colloquiis: Excitemus desiderium, ut repleamur potius cogitationibus sanctis, & ut in meditatione ex ardescat ignis, tunc poterimus dicere cum Davide. Ps. 44. *Eructavit cor meum verbum bonum.* & Ps. 141. *Confiteantur tibi Domine omnia opera tua, & Sancti tui benedicant tibi. Gloriam Regni tui dicent, & potentiam tuam loquentur.*

**P**UNCTUM III. OPERA. MEM. Petrus autem surgens currevit ad monumentum. Luc. 24.

INTEL. Ex colloquiis & narratione Mulierum, ita incitatus erat Petrus, ut jam non iret, sed curreret ad monumentum. REFL. Nos vero sæpe non currimus;

mus ; sed cum tœdio lentè nos conferimus ad mysteria Christi meditando indaganda.

VOL. Excutiamus illum torporem, & cum Petro curramus ad inspicienda Christi mysteria : dicamus illi: *Viam mandatorum tuorum cucurri, cum dilatasti cor meum.* Pt. 118. manè proinde citò evigilemus, & properemus , ad congaudendum cum Christo.

COLLOQ. Conforme contemplationi *Regni Christi*, petendo, ne obsurdescamus vocante nos Christo , sed ad sequendum ac obtemperandum promptissimus.

RECOLLECTIO. REPETITIO. APPLICATIO. SENSUUM

## MEDITATIO. IX.

*De Apparitione quarta. Luc. 24.*

Myſt. punc. 2.

ONG. Congaudere Christo redivivo, dum evigilamus, sicut explicatum est.

PRÆL. I. Quomodo Petrus introgressus monumentum, sola viderit linteamina, quibus fuerat involutum corpus.

PRÆL. II. Repræsentare sibi locum sepulchri, & linteaminum.

PRÆL. III. Petere desiderium inflammatum agnoscendi Christum, illum inveniendi, illique congaudendi.